



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...

Gretser, Jacob

[München], 1613

Item exemplar Epistolæ eiusdem Papæ ad Domnum Regem Pippinum missa pro defensione sanctæ Dei Ecclesiæ, significans quod Desiderius Pentapolin deprædauit, & omnia alimenta populi, ferro & igne ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

Item exemplar Epistola eiusdem Pape ad
 Domnum Regem Pippinum missa pro defensione sancta Dei
 Ecclesia, significans quod Desiderius Pentapolin depradavit,
 & omnia alimenta populi, ferro & igne consumpsit, & quia
 Albinum Ducem Spoletinum in vinculis detrusit, & quia
 Dux Beneuentanus, in Oforotana ciuitate retrusus, alium
 Ducem Argisem in Beneuento constituit, & quia locutus est
 cum Misso imperiali Georgio & inuitauit exercitum Impera-
 toris in Italia contra Rauennam, & exercitum de Sicilia con-
 tra Otorantanam ciuitatem, & professus est eam trade-
 re partibus imperialibus, vel aliis pluri-
 bus capitulis.

XV.

DOMNO excellentissimo filio, & nostro spirita-
 li compatri Pippino Regi Francorum & Pa-
 tricio Romanorum Paulus Papa. Quotiens
 perspicua eximietatis vestrae merita, mystica confide-
 ratione cernens, cordis oculis confero; oppidò me
 admirari conuenit; intemeratam superfluamq; Ex-
 cellentia tuae mentis constantiam & feruentissimum
 affectum, * quod circa Dei amorem, & eius principis * quomodo
 Apostolorum incessanter gestas, quoniam Deo magis,
 quam hominibus fauere niteris. Vnde perspicuum
 est, vos pra omnibus Regibus & potentibus, piis pol-
 lere operationibus, quia absumpto caelesti triumpho
 vltro te, excellentissime fili & spiritalis Compater, ad
 liberandam Dei Ecclesia adhibuisti, & ideo, vt ipsum
 pia operationis vestrae certamen effectui mancipetur,
 crebro nos congruit, sicut liberatori ipsius sanctae
 Dei Ecclesiae, & eius peculiaris populi, Apostolicos di-
 rigere apices.

Summ. 26.
 apud Cent.
 & Bar.

M

Pri-

Primum omnium, nobis super omnia nectarea dulcia existunt, & desiderabilia prosperitatis vestrae gaudia addiscere. Deinde verò, quae sanctae Ecclesiae Dei & nobis consistunt necessaria, quantotius intimare. Vt verò, excellentissime fili, & noster spiritualis Compater, agnoscas nos pridem per Apostolicas litteras eximietati tuae innotuisse, qua in his partibus à Desiderio Langobardorum Rege impie peracta sunt, atq; crudeliter perpetrata. Igitur dum tam perniciosam eius operationem cerneremus, aptum prospeximus, praesentem fidelissimum vestrum Missum Robertum, hic apud nos detinere, quatenus quid coepa iam fati Desiderij Regis, vel Langobardorum populi malitia pareret, praesentialiter agnoscens atq; conspiciens vestram certiosem reddidisset eximiam praecellentiam; etenim sicut pridem, ecce & nunc, innotescimus à Deo seruatae Excellentiae vestrae, quòd praefatus Langobardorum Rex Pentapolensium per ciuitates transiens, quas beato Petro pro magna animae vestrae mercede contulistis, ferro & igne omnia fata, & vniuersa, quae ad sumptus hominum pertinent, consumpsit, sicq; Spoletinum & Beneuentanum, qui se sub vestra à Deo seruata potestate contulerunt, ad magnam ^{*despectum} spretum Regni vestri, desolauit, atq; ferro & igne eorundem Ducatum, loca & ciuitates deuastauit, & comprehensum Albinum ducem Spoletinum, ^{* & cum eo Satrapas.} cum eo Satrapibus, q. in fide B. Petri & vestra Sacramentum praebuerunt, infixis in eis pessimis vulneribus in vinculis detinet.

Appropinquante autem eo Beneuento, ilico Dux Beneuentanus fugam arripuit in Otorantinam ciuitatem, & dum diu immineret, vt ex ipsa sua ciuitate, exire eundem Ducem suaderet, & nequaquam in eam suam

suam adimplens voluntatem, constituit ducem alium in eodem Beneuentano Ducatu nomine Argis, & cōfestim dirigens Neapolim idem Desiderius Rex, accersuit Georgium imperialem Missum, qui ad vos Franciam directus fuerat, cum quo nefariè clam locutus est, iniens cum eo consilium atq; suas Imperatori dirigens litteras, adhortans eum, vt suos imperiales dirigat exercitus in hanc Italiã prouinciam, & ipse Desiderius cum vniuerso Langobardorum populo professus est, Deo sibi contrario, auxilium præfatis imperialibus exercitibus impertire, quatenus ex vna parte, ipsius exercitus, & ex alia iisdem Desiderius cum vniuerso Langobardorum populo vtriq; dimicantes Raennatum ciuitatem comprehendere queant suamq; Imperator, q, Dominus non permittat, adimplere valeat in quocunq; voluerit voluntatem. Nam & cor cum eodem Georgio imperiali Misso constituit, vt

* Drōmonorum Siciliae istorum in Otonantina ciuitate dirigatur, vt tam Græci, quam Langobardi ipsam obsidentes comprehendere valeant ciuitatem, eamq; concedat Imperatori, cum hominibus & facultatibus, quæ in ea consistunt, & tantummodo Ducem illum, atq; eius nutritorem Iohannē prædicto Regi restituat.

Post verò dissolutionē eorundem Ducatum cōiunxit hic ad nos Romæ itidem Langobardorū Rex, & cum eo loquentes, nimis eum adhortati sumus, & per sacratissimum corpus B. Petri, atq; etiam per tuam à Deo protectam excellentiam, fortiter illum coniuuauimus, vt ciuitates illas, id est * Immulas, Bononiam, Ausimum & Anconam, quas nobis præsentaliter, simul per vestros Missos, id est, Folradum, Deo amabilē, Abbatē & Presbyterū, atq; Rodbertū excellentissimæ

M 2 Chri-

Christianitati tuæ, & per te etiam B. Petro Apostolorum principi pollicitus est redditurum, restituere deberet, quod minimè adquiescere inclinatus est, sed simulans, ut certè Strofarius varias occasiones adhibuit, inquit, ut si suos, quos illic Francia habere videtur obfides reciperet, tunc in pacis concordia nobiscum conuersaretur.

Vnde perimus te, excellentissime Fili & spiritalis Compater, & obnixè deprecamur à Deo inspiratam eximietatem tuam, ut iubeas perfectam liberationem sanctæ Dei Ecclesiæ, & eius peculiaris populi exercere, & ita id, quod magna animæ tuæ mercede B. Petro pollicitus es, firmiter permanere; ipsumq; Desiderium, Langobardorum Regem fortiter constringere digneris, ut prolatam à Deo promissionem B. Petro, protectori vestro, restituere debeat, atq; in omnibus adimplere, tuiq; studij sit bene, potentissime Rex, sicut cœpisti, perfectius hanc sanctam Dei Ecclesiam & eius peculiarem populum de hostium incurfione eruere; ut, annuente Deo, certamen benignæ operationis tuæ, vberrimè fœcundetur, quatenus in die aduentus Domini Dei & Saluatoris nostri IESU Christi, luceas, sicut radiantissimus Sol, inter vniuersos reges & potentes, atq; merearis ipsam sanctam Dei Ecclesiam, & eius populum, tuo adminiculo ereptum, diuinæ maiestati, absq; vlla læsionis sæuitia, offerre, & tunc centuplum remunerationis ab eodem Domino Deo nostro, iusto iudice, percipere, & vitam æternam possidere merearis.

Coniuro te, fili excellentissime per omnipotentem Deum, & eius principem Apostolorum B. Petrum, ut benigno intuitu & libentissimo animo nostras

stras preces audire iubeas, vt & Deus tibi omnipotens,
 in his, quæ eius potentiam deprecatus fueris, suæ diui-
 nitatis aures inelinet, & victorem te super omnes
 barbaras nationes faciat. Omnes enim omnino gen-
 tes, quæ super faciem vniuersæ terræ consistunt, com-
 pertum habent tuum certamen, quod ad defensio-
 nem sanctæ Dei Ecclesiæ adhibuisti, & magnum te ac
 præcipuum Regem laudabiliter asserunt. Sed & nos
 bonam tuam famam longè lateq; protelare atq; di-
 latare non desistimus in eo, quod certè, post Deum, si-
 cut murum inexpugnabilem, tuam firmissimam fi-
 dem in nostro pectore conferimus, magnam in te,
 post Dei præsidium, possidentes spei fiduciam, quod
 & plerumq; ob tam tuæ immaculatæ promissionis fi-
 deiq; meritum consecuti sumus; etenim magnoperè
 præsentibus nostris Missos, id est, Reuerendissimum &
 Sanctissimum fratrem & coëpiscopum nostrum Geor-
 gium, atq; dilectum filium nostrum Stephanum Pres-
 byterum, ad vestram à Deo custoditam Excellentiam
 misimus: dumque vestris Deo amicabilibus vestigiis
 fuerint, vna eum * Rodberto, fidelissimo vestro Misso * *Rodberto.*
 præsentati, cuncta viua voce Christianissimæ Excel-
 lentiaæ tuæ, quæ acta sunt, & rei exigat meritum, nobis-
 que necessaria existentia intimabunt, maximo namq;
 desiderio nostro anhelabat animus, Apostolicas Ex-
 cellentiaæ vestrae dirigere literas salutationis ac visita-
 tionis, ob causam rerum euentus significandum, &
 minimè valuimus imminentibus circumquaq; Lan-
 gobardorum Regis insidiis.

Attamen ecce iam duas Apostolicarum littera-
 rum adsertiones Excellentiaæ vestrae, clam, per maxi-
 mam industriam, misimus, & ignoramus, si ad vos ipse

* ad suos
obsides.

* obsides.

peruenerint litteræ, vnde ambigimus, ne à Langobardis comprehendantur. Pro quo & nunc per prænominos nostros Missos alias vobis litteras misimus, quasi obtemperantes præfati Desiderij regis voluntati * suos hospites absoluendum & pacem confirmandum. Sed bone Excellentissime fili & spiritualis Compater, ideo istas litteras tali modo exarauimus vt ipsi nostri Missi ad vos Franciam valerent transire; quoniam si hoc non egissemus, nulla penitus ratione per Langobardorum fines transire valuissent, sed susceptis ipsis litteris, earum seriem nullo modo perficiatis, neq; præfatos * hospites permittatis parti Langobardorum restituere, potius autem coniuramus te Excellentissime fili, & spiritualis Compater per Deum viuum, & corpus B. Petri, vt fortiter ipsum Desiderium vel eius Langobardorum gentem constringere iubeas; quatenus præfatas, quas pollicitus est ciuitates tuæ mellifluæ Excellentia, & per te B. Petro, fautori tuo, restituat, quoniam, nullam vt præfatum est, de his, quæ primitus pollicitus est, cum eo firmam valuimus, stabilire conuenientiam.

* permittat.

* idem.

Oramus autem omnipotentem Deum, vt pio intuitu de throno maiestatis suæ, super vos vestrumque regnum respiciat, & sua dextera Excellentiam vestram circumtegat, atq; in omnibus muniat, & præsentis vitæ cursum salubriter exsequi & regni potentiam gubernare permittat per plures annorum metas, vna cum excellentissima, & à Deo seruata filia, & spiritali nostra Commatre, atq; amantissimis vestris meisq; filiis, & gaudeatis de eorum florifero germine, & * mittat omnipotens Deus, vt semen vestrum splendidissimum, vsque in finem mundi * eundem regni fruatur culmen,

culmen, etiam venturo in sæculo infinita gaudia cum sanctis & electis suis vobis concedat, quatenus sicut in præfenti vita, & in futura beatitudine adepti promissam vobis mercedis coronam, cum Christo regnare mereamini. Incolumem Excellentiam vestram gratia superna custodiat.

* *Embolum.*

Pro veræ benedictionis causa, direximus vobis Apallateam vnam spatam ligatam in gemmis cum balteo suo, anulum vnum, habentem * *Hyacinthum*, * *Hyacinthum*, storacinum pallium vnum, habentem Paones, quam parua benedictionem petimus, vt, excepta iniuria, suscipere iubeatis. Domino Carolo & Carlomanno pro magna Apostolica benedictione annulos singulos habentes * *yacinthos*.

* *Vide epistol. 6.** *Hyacinthum.** *hyacinthos.*

*Item exemplar Epistola eiusdem Papæ ad
Domnum Pippinum regem directa pro defensione sanctæ Dei
Ecclesiæ, & pro monasterio, quod ei concessit prope mon-
tem Serapten situm gratias magnas
referendo.*

XVI.

DOMNO excellentissimo filio, & nostro spiritali compatri Pippino Regi Francorum & Patricio Romanorum Paulus Papa. Dum diuinas scripturarum historias, in nostro memoriali reuoluimus, & diuersorum Dei electorum merita perpendimus, & vestra diuinæ inspirationis studia, in nostræ mentis intuitu conferentes: nouum te * *gentes* Moysen in his diebus refulsisse, præcellentissime fili & spiritali-

Summ. 25.
apud Bar.
ES Cent.* *gentibus*